



**Karin Streule, chantautura e ghitarist e componist Andi Schnoz a caschun d'in inscunter interrumentsch en la Giesserei Oerlikon.** MAD

# Radunonza annuala dalla URB

Referent ospitont: Johannes Flury, rector dalla scola aulta da pedagogia Cuera

■ Per sonda proxima, ils 17 da matg allas 10.15 envida la URB – Uniun da las Rumantschas e dals Rumantschs en la Bassa – a sia radunonza annuala. Quella ha liug en il restaurant Neumarkt, Neumarkt 5, 8001 Tuirig, el vitg bass. El decuors dalla part statutar intervegnin nus quei che ei curriu e passau e quei che ei planisau. Ensemen cun il davos numer dil «Fegliet», organ d'informaziun dalla URB che cumpara treis tochen quater gadas ad onn, ei l'invitaziun per l'annuala vegnida tarmessa allas Rumantschas ed als Rumantschs en la Bassa aschi lunsch che las adressas ein enconuschentas. Cun medema posta ei era il cedel da pagament per la contribuziun annuala (30 francs) vegnius pachetaus. Muort in pign sbagl maunca denton exact quel en ina part dalla spediziun. Per quellas e quels che vulan tuttina pagar la contribuziun dun jeu bugen cheu la numera dil conto: «URB Uniun da las Rumantschas e dals Rumantschs en la Bassa Jon Carl Tall, president, 6300 Zug, Conto 90-199398-2». Secapescha che era Romantschas e Ro-

montschs buc en la Bassa san far diever da quel. Engraziel. La URB ei ina uniun empau autra che biaras autras. Ins vegn buca recepiv sin fundament dad ina damonda dad esser commembra ni commember. Ins s'auca enzaco leutier semplamein perquei ch'ins ei Romantschs e viva en la Bassa. Gest perquei s'auca a tut quels che han pagau gl'onn passau in grond engraziament. Grazia a lur agid ha la URB saviu sustener musicistas e musicists, auturas ed auturs giuvens cun envidar els als inscunters interrumentschs ni cun contribuziuns a lur projects. La URB sa mirar anavos sin in interessant ed activ onn 2013. En detagl e co ei duei veser ora egl onn proxim intervegnin nus alla radunonza sezza. Schei vinavon quei a vossas enconuschentas ed a vos enconuschents en la Bassa. Sper las tractandas statutaras dat ei in bionton temps per la part tematica. Per lezza ha la suprastanza saviu gudignar Johannes Flury, rector dalla scola aulta da pedagogia da Cuera. Dapi cuort temps eis el era president dalla Pro Rätia. Ella scola aulta da pedagogia ei Flury con-

fruntaus pulitamein era cun las damondas da lungatgas, cun ils differents idioms romontschs e la damonda dils lungatgs jasters en scola primara. Tenor legislaziun cantunala ed ils mandats corrispondents ha la scola dad instruir scolastas e scolasts per tut las aschi differents situaziuns da scola quei che pertucca ils lungatgs el cantun Grischun. Gest per la recrutaziun da scolastas e scolasts da lungatg romontsch ei la situaziun buc adina optimala. Igl ei difficultus dad anflar la ballonscha denter interessents per la clamada e la damonda en las regiuns. La situaziun pertuccont ils mieds da scolaziun romontschs ei complexa e caschuna adina puspei discussiuns. Che Johannes Flury ei niev president dalla Pro Rätia ei ina buna caschun supplementara dad amplificar la reit dad interess comunabels sur ils cunfins da lungatg en ed ordeifer il Grischun.

**Ei fa grond plascher da saver s'entupar cun biaras e biars da vos alla radunonza annuala da sonda proxima, ils 17 da matg allas 10.15 el restaurant Neumarkt 5, 8001 Tuirig.**

Ciril Berther, Oetwil sper la Limmat

## ■ FORUM

### Mantgnair l'attractività grischuna e la suveranità d'impostas chantunala

(cp) La pld salüda il Na dal cussagl nazional pro l'iniziativa cunter l'imposta pauschala Davo il cussagl da stadi s'ha express d'incuort eir il cussagl nazional cunter l'iniziativa populara, lantschada da las partidas schnestras e'ls sindicats. Quist'iniziativa less far svanir l'imposta pauschala per esters. Quai füss ün'intervenziun illegitima aint illa suveranità chantunala areguard impostas. Implü maness quai in privel l'attractività da nos pajais sco lö da domicil. Plazzas da lavur importantas gessan a perder. L'imposta pauschala augmanta l'attractività da la Svizra sco domicil per esters bainstants e mobils. La conseguenza es chi dà daplü plazzas da lavur sün divers secturs. Schi croda l'imposta pauschala van a perder millis da plazzas aint il sectur fabrica, ma eir aint il sectur servezzan (fiduziaris, administraziun da facultà e.u.i.).

jan var 700 milliuns d'impostas, in Grischun sun quai 50 milliuns. Quistas persunas estras benestantas nu pajan in Svizra be impostas. Na d'inrar sun quai eir sponsurs e mecens chi partecipeschan eir uschigliö.

#### La suveranità dals chantuns in quista materia nu das-cha gnir tangada

L'imposta pauschala es fich importanta per tscherts chantuns chi sun economica maing debels. L'exaimpel dal chantun Turi- ingio chi's ha strichà l'imposta pauschala documentescha las consequenzas negativas. Circa la mità da quellas persunas han bandunà il chantun, las entradas d'imposta sun idas almain. Quai muossa: Ils chantuns ston savair definir svesv lur impostas e far la politica chi'd es adattada a lur bsögn.

La PLD.Ils Liberals Grischun vuol mantgnair l'imposta pauschala in Grischun, ün instrumaint per promover il bainstar in Grischun e la pussibilità da tgnair sia piazza aint illa concorrenza dals chantuns.

#### Impostas da daplü co 700 milliuns, in Grischun raduond 50 milliuns

I sun in Svizra raduond 6000 persunas chi vegnan taxadas in möd pauschal. Ellas pa-

### Mario Cavigelli – ussa pér da dretg

Las novissimas retschercas han mussau che cuss. gov. Mario Cavigelli po far quen cun in resultat da record tier la tscharna dalla regenza. Sco cau engaschau dil departament da construcziun, traffic e forestalesser – ed era sco president dalla Conferenza dallas regenzas dils cantuns muntagnards – ha Mario Cavigelli daveras meritau ina reelecziun honorifica ella regenza. El ei staus confruntaus ils davos quater onns cun dabia problems: Seigi ei

la Val Parghera, igl uors, il luf ed era tier la votaziun davart l'iniziativa pertuccont la cotgla.

Cuss. gov. Mario Cavigelli analisescha exactamein, agescha ponderadamein ed objectivamein. Tut quellas qualitads recomandan el perschudentamein per ina reelecziun ella regenza grischuna. Perquei elegei jeu Mario Cavigelli.

Severin Geisseler, copresident pcd giuvna dil Grischun

### Rinforzar la representanza dil cumin dalla Foppa

Lorenz Alig dalla fracziun Pigniu dalla nova vischnaunca Ilanz/Glion candidescha per il cussegl grond. Cun ina interrupziun en la perioda d'uffeci actuala ha la partida PLD-Ils liberals representau dapi decennis il cumin dalla Foppa el cussegl grond. Igl ei impurtont da francar e segirar ina regiun attractiva entras ina representanza en pliras fracziuns dil cussegl grond. Cun eleger Lo-

renz Alig sco deputau profitein nus da quella schanza. Lorenz Alig s'engascha per las valurs fundamentalas da nossa regiun: in svilup saun dall'economia e per il manteniment da plazzas da lavur. Perquei recomandel jeu Lorenz Alig sco deputau e Gieri Darms sco suppleant dil cussegl grond. Jeu engraziel per Vossa vusch.

Hans Veraguth, a. deputau., Glion




FOTO S. ROTHMUND

Windisch/Cumpadials, 6. Mai 2014

*Einen Menschen lieben heisst, ihm so zu sehen, wie Gott ihm gemeint hat.*

Dostojevski



Heute ist unsere liebe Tante und Grosstante

## Hildegard Lechmann-Bryner

7. November 1921 bis 6. Mai 2014

im 93. Lebensjahr von uns gegangen. Dein Lebenskreis hat sich geschlossen. Sie ist nach liebevoller und sehr aufmerksamer Pflege im Altersheim Sanavita in Windisch friedlich eingeschlafen.

#### In stiller Trauer:

Evelyn Maria Löffler  
mit Tochter Claudia  
und Enkel Giorgio  
Susanne und Fritz Merz-Michel  
Verwandte und Bekannte



Die Urnenbeisetzung findet am Mittwoch, 14. Mai 2014, um 14 Uhr am Gemeinschaftsgrab auf dem Friedhof Windisch statt. Am Sonntag, 18. Mai 2014, um 19 Uhr findet eine Messe in der Kirche St. Josef in Cumpadials statt. Allfällige Spenden können an die Stiftung Sanavita, Postkonto 50-539-4, überwiesen werden. Traueradresse: Susanne Merz-Michel, Chrumbacherweg 10, 5503 Schafisheim